

## Naležnosć konsekwentnje dale wjesć

**Njebjelčicy** (AW/SN). Serbja maja swoje naležnosće sami rjadować. Tule w rozmołwach z politikarjami často zwuraznjenu sadu Inicijatiwna skupina za demokratisce legitimowane ludowe zastupnistwo serbskeho ludu - Serbski sejm chutnje bjerje. Njebudže tuž při chodnje wjace na pokiwy politikarjow a nawodow wšelakich gremijow džiwać, ale swój puć dale kročić. Tole ie wuslědk wčerawšeho wuradźowanja inicijatiwneje skupiny w Njebjelčicach.

W přihotach na planowanu klawsuru 11. junija w Njebjelčicach nastajichu sej inicijatiwnicy konkretny plan, kak chcyli dale postupować, zo bychu swój zaměr docpěli. Mjez druhim maja předwidžane přewjesć džěłarničku z młodžinu, w blišim času chcyli dozhotowić nowu internetnu stronu inicijatiwy, podpismowu akciju k podpěrje peticije wo zakonske zawjedženje Serbskeho sejma powjedu dale, za nazymu přihotuja podijowu diskusiju a skónčnie chcyli přewiesć prawólby parlamenta. Tón ma zlegitimować zjawne wólby demokratisce legitimowaneho ludoweho zastupnistwa Serbow.

W dalšim dnjowym dypku wuhódnoćichu wčera podpismowu akciju na internetnej stronje „Serbski sejm“, kotruž maja inicijatiwnicy za jara wuspěšnu. 531 ludži je mjeztym podpisało. „To nas přeswědča a zdobom trochu nuzuje, našu naležnosć konsekwentnje dale wjesć. Zjawne žadanje tuž rěka njepopušćić. Džensniše posedženje bě wuběrne. Dóstachmy dalši zapal do džěla“, hódnoćeše rěčnik inicijatiwy dr. Měrcin Wałda.